

第十三冊

秦中書局彙報

秦中書局彙報

第十三冊

光緒二十四年閏三月十五日

卷十二無

秦中書局彙報

第三冊

彙報凡例

一向來官書體例首錄

諭旨所以尊

天章也京師官書局彙報卽本此例茲奏中書局彙報謹當取法首條恭錄

諭旨宮門鈔科鈔亦按日照錄其非明降

諭旨而見諸通行部咨及滙上各報者亦謹徵攷月日錄於左方并注明某部咨行

或某報所載云

一博採良謨原爲集思廣益之道其類蓋有四端首爲邸報中臣工章疏及名

公集中奏議二爲京外縉紳條議三爲申滙湘鄂各報館私議四爲僑居洋

人及歐美報館陳議是報取其疏通知遠剴切詳明者具錄於篇以資考證

於恭錄

編音首條下分立明道理財治兵商務洋情五條以類編入上冊未完者下冊續錄

俾閱報終年可以彙集成帙蔚爲大觀

一條目貴簡而明過煩則令閱者紛亂是報僅分六門卽此意也然各門所包

蘊仍須賅括不遺如明道爲顯學求治總綱若不明乎道不但墨守程朱無

稗時局卽競言變法亦鮮實功故精求至理以闡心傳自經學史學天文地輿以至格致算學電學化學等類悉附之理財綜天地盈虛之理自國課國用以至農學礦學等類悉附之治兵本聖王神武定天下之具至於今日尤急自軍額兵餉以至兵法機器等類皆附之商務本可入於理財惟中外目前情形商務爲扼要自強之端故須另立專門自鐵路輪船以及製造條約等類皆附之洋情舉地球環海各國總計之其舉動情形悉與中國興辦各務相關自各國報館外人議論以至路透電報等類皆附之使閱報者泛覽縱觀而心目中仍有條不紊

一學以明體達用爲貴孔子曰博學於文約之以禮孟子曰博學而詳說之將以反說約也孔孟集斯道之大成皆言博約爲一貫之理體用於是備焉舉天下之萬事萬物皆不外乎道則體明矣行聖人之道不遺乎一事一物則用達矣本此而觀報則由博而約實與吾道相輔體既明乃知西法爲吾道之緒餘無剝獲之可矜也用旣達更知西法爲吾道之妙悟毋故步之自封也世局雖新以情理範之事物雖衆以本末賅之循途守轍學者乃有一定之趨否則羣言淆亂流弊無窮不可不知也

一中國素以忠義彪炳古今世變無常惟忠義之理可以挽頽風而扶正氣
人未聞大道無怪生狎侮之心我中國士民久沐

教化深受

皇恩何忍妄自菲薄但委靡不振者徒知岸然自大終爲外人所竊笑耳如矢以忠
義之心則法可變而道不變以之興辦諸務則能求實祛虛以之從事干戈
則能親上死長

國何患不强戰何憂不勝閱報者均勵此志一切無稽之言自不至爲所瞞惑矣
一勸化務求其廣鄉塾士子見聞有限茲由各牧令於自閱外另購一分送給
書院固足助諸生觀摩之益而尙慮城鄉隔閡難於周遍所望各書院士子
均與其里閭鄰居轉相傳布或給與鈔錄或各自購買務使遠近學人共知
時務博古通今化其俗見之拘並防其歧途之惑庶學術正而士習端藉以
仰副

聖主勲次

諭旨振興實學作育人材之盛意

奏中書局彙報目錄

凡例

諭旨恭錄三月二十六日起至二十九日止

編明道典

續第十一冊復古即維新論 論中國變法必自發明經學始 左文襄公藝

學說帖

理財

續第十一冊論養馬 豫防稻熱病法 中丞魏午帥奏籌鹽勛加價並推廣
各行省摺 楊景仁田制說 王植地利說 俞森種樹說

治兵

續第十一冊曾文正公馬勇章程五條 湖廣擬練大軍 左文襄公札統帶
管帶車營各員弁同治丁卯 擬改新鎗 海濟竣工 曾文正公營制

商務

續第十一冊北省鐵路論 四川商務總局章程 法國在華商務 西貢商
務 上海西商總會章程 駐藏大臣訥欽奏唐廓邊界鹽米通商事務查辦

完竣摺 日本茶市

洋情

續第十一冊德水師考 英俄要結日本 高麗國亂情形 日本兵艦 越
南東京民變情形 旅順停泊外國船數及煤厥情形 論歐洲各國在中國
爭奪利權 凌虐小邦 路透電音

諭旨恭錄

三月二十六日奉 上諭巡視中城給事中中國秀等奏言官呈送鋪夥訊無實迹請旨交部審辦一摺著刑部提集全案人證訊明確情定擬具奏工科給事中慶祥著暫行解任聽候傳質欽此 二十七日奉 上諭徐桐奏司員執法賄求據實糾參一摺戶部候補主事陳昌圻因會典館所得獎叙不優意存舞弊實屬膽大妄為陳昌圻著即行革職以示懲儆該衙門知道欽此 二十八日奉 上諭前國子監祭酒陸潤庠著仍在南書房行走欽此 同日奉 上諭山東沂州府知府員缺著定成補授欽此 又奉 上諭榮祿剛毅奏遵旨查明敖漢郡王達木林達爾達克被叅各款及另案被控派取銀兩情事據實覆陳一摺此案已革昭烏達盟長敖漢郡王達木林達爾達克原叅於所屬貝勒巴咱爾濟里第補放副盟長並無囑令賄託越次請補之事其擅伐闢場樹木私造令旗等項或得自傳聞或查無實據均著毋庸置議至修葺園寢購買快槍所用銀數雖屬未能核實尙非任意浮冒蓋造府第亦未勒索賈儀惟因練兵苛派蒙衆既有十旗印文可憑又另案折罰翁牛特旗銀兩顯係故違定例藉端騷擾實屬咎無可追敖漢郡王達木林達爾達克業經革去盟長著再革去扎薩克開去御前行走撤銷三眼花翎黃帽以示懲儆翁牛特郡王

於西而知其不能國徒求於法又知其不可機會復古安歸乎故學術者發於上爲政教漸於下爲風俗而士者他日之從政今日所以率民也末有不學無術而能從政美俗亦未有士學衰陋而秀眈良賈國工接踵駢肩而國蒸蒸而民皞皞者也政之事即學之事也故曰學無當於五官五官弗得弗治欲與其國先修其政欲修其政先論其治論治之綱在治官治官之實在用賢用賢之源在造士造士之樞在講學學術晦盲久矣舉古今中外民於天地必有與立其依在教我欲不易教而治講學必依教爲根君子反經而已矣經正則庶民興豈僅富強而樂利反經即復古復古即維新世論分教與政與學爲三我不敢知與士言士欲爲國策治安必自明學術始欲與士明學術必自講政教始政教明而人才出明農通商勸工悉寓焉故今日救時之務必先復古學校之制復學校下無權焉請自聯學會始聯學會不能家喻而戶曉請自開學報始

論中國變法必自發明經學始

嗚呼士夫通人懲於外侮之故切乎燎原之痛疊背接踵發論議於時以冀變法而保種族者衆矣哉歐梁甲曰是非知務者也或者曰今之言格致製造礮械舟車惟西人之說是聽者無論矣至如變學校科舉變官制農法重譯書復民兵徵之傳記

而皆可據施之當今而皆可可行也惡乎不知務又如史也掌故也輿地也算也商也交涉也奮吾中學以振夏聲啼矣存陳無忘神曹惡乎不知務歐築甲曰中國之壞自人心始人心之蕪自學術始學術之謬自六經不明始六經不明未有變法之方也六經明則學術正學術正則民智開民智已開人心自奮熱力大作士氣日昌愛力和進國耻羣勸以此凌厲九州可也況變法乎故謂今日欲採中國宜大明孔子六經之義于天下孟子曰下無學賊民興又曰經正則庶民興賊民之興由于無學庶民之興本乎經正噫此中國二千年來治亂得失之林也兩漢之盛春秋治獄禹貢行河三百篇當諫書天子臨軒講學騎士盡習孝經禮樂興行續續千古及姦敵僞作崇周奪孔博士倚席橫舍鞠謠賈馬服鄭僞傳綿瓊三國六朝大道中絕蓋繇狄人中國之禍自茲烈矣唐沿隋制尙詞章重詩賦綴學習于浮靡氣節墮于貧緣至五代之亂極焉宋世五子崛起求聖人之道于遺經明論語中庸孟子以覺斯世其言曰志伊尹之志學顏子之學民吾同胞物吾同與士氣丕變崇尚講學迄于東林儒統未墜政亂于上道明于下名節之隆與漢媲美斯豈非學之效乎斯豈非學之效乎且夫九州之內萬類之族千載之期春秋三世不見太平大易乾元何日用九徘徊荷生幽幽荷死望唐虞若神山語淶泗若夢寐徒嘆嗒曰經說紛子絲經言

微於縷經案積如山經義渺如海而曰經學也經學也吾惡乎知之又噉噉曰漢宋之爭如狼如羊今古之辨若豪若芒素王改制古有其說今笑大方一云其激一誅曰狂吾益時耳何取矯亢之二說者巨子倡之塞夫和之囂囂然謂吾所治者史詳於四民教養矣掌故詳於歷代典章矣輿地資於郡國利病矣商算可以富國製器矣交涉可以柔遠人矣有此數者雖不言經學可也曰惡是何言歟日用有飲食而無養氣則呼吸立死周身有血脈而無腦筋則聰明不靈經學者生人之心也人心死雖有教養何由舉典章何由明利病何由晰富國製器更不暇計也日人之變政也衣服政教從泰西而彼中賢者尙孳孳以再興漢學爲事日本稱中國爲漢人何故稱中學爲漢學吾人之智出日人下也且亦知中國文教政治皆我生民未有之孔子所開乎天降元聖祐我齊州受命端門儒冠創制特以黑生蒼際在庶無施不能不有所託以行事於是爲素王以改制而其說見於傳記者公羊撥亂世反之正莫近於春秋孟子春秋天子之事春秋緯麟出周亡故立春秋制素王授當興文作春秋以改亂制莊子春秋經世先王之意繁露孔子立新王之道王託乎春秋正不正之間而明改制之義符漢書孔子作春秋先正王而繫萬事見素王之文焉董仲舒傳淮南子孔子專行教道以成素王采善鉅醜以成王道主衛史記孔子約其文辭去其煩重以制義法

王道備人事決

十二諸侯年表

因史記作春秋以當王法

列傳

故作春秋垂空文以斷禮義

當一王之法說苑退作春秋明素王之道以示後人

貴德篇

鄭元六藝論孔子已西狩

獲麟自號素王爲後世受命之君制明王之法盧欽公羊序孔子自因魯史記而脩

春秋制素王之法

晉師南海先生著有孔子改制考最備此特舉數條耳

天縱之本紀炳如日星師法之傳授

不淪夏郭七十無異說兩漢無異辭非一人之私言也非一人之私學也夫考孔子

者不於七十後學之口說兩漢經師之質言猥以悠謬之見妄象聖容廖廓之形虛

上尊號聖蹟不晰經籍道息何惑乎以春秋爲斷報儀禮爲眼目大易爲卜筮三百

可刪政舉六經之義無一可施於天下也二千年之教宗若存若亡久矣擬聯同志

發先聖之真蹟明教養之大道目吾爲狂所不敢辭所不敢辭莊子曰詩以道志書

以道事禮以道行樂以道和易以道陰陽春秋以道名分其數散於天下而設於中

國者百家之學時或稱而道之蓋孔子改制續經諸子竊其一得以自爲方猶佛氏

興於印度而西方諸教衍其旨而開別宗也然往而不返不能相通吾儒內聖外王

之道聞而不明鬱而不發道術將爲天下裂故戰國之世楊墨橫行孟子闢之曰楊

墨之道不息孔子之道不著唐之世佛老橫行韓子闢之曰人其人火其書夫二子

者何深惡痛絕之如是哉攻乎異端斯害也已異端不攻則孔子不尊孔子與異端

不並立者也今含生之類咿唔詩書語之任道乃誕乃噤下焉者利慾據其府得失動其心上焉者以束修自好爲大學以無非無刺爲中庸遂至郢書燕說塵垢尼山龙瘡熊哮烟橫神壤清議亂于非種斯文疑于墜地甚且以吾制科之不善教術之不行遂謂吾經爲無用爲不備明目張膽以進其誣天之說而無恥矜纓乃決然叛去正道而不之惜也人心之患乃至此極嗚呼今日而言經學豈得已耶豈得已耶世以爲激吾猶懼大聲疾呼流涕而道之無及也

左文襄公藝學說帖

爲呈具說帖商請核酌摺奏請 旨事閏五月十九日欽奉 諭旨國子監司業潘衍桐奏請特開藝學一科以儲人才一摺著大學士六部九卿會同總理各國事務衙門妥議具奏欽此竊藝事係形而下者之利然志道據德依仁游藝爲形而上者所不廢經術工執藝事以諫是其有位於朝與百爾並無同異况自海上用兵以來泰西諸邦以機器輪船橫行海上英法俄德又各以船砲互相矜耀日競其鯨吞蠶食之謀乘虛蹈瑕無所不至此時而言自強之策又非師遠人之長還以治之不可宗棠在閩浙總督任內時力請創造輪船並有正誼堂書局求是堂藝局之設所有管駕看盤機器均選用閩中藝局生徒承充並未參雜西洋師匠在內洋人每

言華人明悟甚於洋人亦足見其言之不誣也見聞廣東正紳多延訪深明藝事者課其子弟此風一開則西人之長皆吾華之長不但船堅礮利可以制海寇卽分吾華一郡一邑之聰明才智物力激彼一國而有餘行之數年各海口船礮羅列並可隨時分撥協濟人力物力互相通融處處銅牆鐵壁以守則固以戰則克尙何外侮之足慮乎所宜預爲籌策者船礮之製購宜精也人才之登進宜廣也海上用兵以來華人於造船製礮之法講求有日其精良殆可與泰西各國比就經費而言無泰西保險及長途運脚等項虛糜之耗又較各省人才惟廣東稱盛緣紳民仇視泰西由來已久如令自相固結籌兵籌餉不患無人無論購製船礮固可期尅日歲事卽令其選募成營用其所長亦必踴躍爭先而戰於其鄉勇氣自倍更無論也沿海如閩浙兩省士民之氣稍近疲玩非督撫切實經理於勸勉之中益加督責不爲功至於江南則漁國不撤正可資以集事船可製購撥用火砲則儲備尙多且由局增製亦易人才物力均非所乏也此言藝學之宜行也至原奏所請特開一科之說則似可無庸置議緣古人以道藝出於一原未嘗析而爲二周公以多材多藝自許孔子以不試故藝自明是藝事雖所兼長究不能離道而言藝本末輕重之分固有如此惟登進之初必先由學臣考取錄送咨部行司註冊然後分發各海口效用差委補

善距配合之時今適五年嘗見一牡馬生二十餘年其傳種類俱稱用可知種類作否非關馬之老壯吾意與其以未經試種之壯馬傳種猶不如用幾經試種之老馬也惟瘡馬則不可用耳

馬生三四朝往往不育不可救藥嘗考其病在臟腑康納兒大書院乾姆司勞先生者善養馬者也亦嘗言其病源謂凡胎生物在胚時其肝甜肉胃腸中俱有濁液迨其初生液即聚腸內凝爲膠質物初生時臟腑不甚運動膠質充塞腸內倘第一次哺乳足即可將膠質滌盡蓋第一次乳乃天生滑腸品也倘母有病乳質忽變則膠質不能盡去而物殆矣此乾姆司勞先生之言也諺云醫病不如防病使物生後能立時即飲以蓖麻油一兩或二兩即可免此病此法試驗已久活駒無算有老牧家語余自得此法後小馬從未因塞腸死者亦足信此方之效矣倘飲此油逾二三點鐘察駒猶未舒服必因膠質未淨之故可再用射水皮管用溫水從肛抽入則膠質自無不淨初生三四日防護宜慎產馬飼料宜草產馬暨小馬不宜居於寒溼有風之地熱而悶者更宜忌宜居於暖燥之厩且能受光通氣者則馬病必少過七日即無憂慮逢晴日可縱之出外雨日可縱於有棚通氣處駒生七日後稍飼以熟糠麥皮粗麥助其生長一月內不宜稍離其母因小馬飲乳一點鐘有哺數次者一月外

始可稍離矣

乳不宜遽斷倘月內已喂飼料者喂以熟大麥糠胡麻子以及易消化之物佐以清水水內亦和胡麻子粉則即斷乳亦無害母馬孿生數子者宜於一時斷乳斷後不可與母馬同處另易一廐數子共焉廐外草料悉備駒出即食第一冬天可於此度焉駒處之廐門宜早閉晏啟恐駒食經霜露草胃經即病有死者駒生一歲壯者宜宮宮則壯且控御易

豫防稻熱病法

稻熱病有發於苗田者有發於稻田者故等病而異狀今別其病名定爲五種一曰苗稻熱病發於苗田者二曰肥稻熱病窒素質肥料過量或市街附近放水所流入之田多病之三曰冷稻熱病冷水所滲出處或所流入處如隄外山麓谿間之田及鑽井附近處多病之四曰穗稻熱病古稱穗首病小西篤好著農業餘話更此名其病發於稻出穗後東北地方所謂白枯或穗枯是也五曰陸稻熱病此病昨年始察出發於陸稻田中其他非病冷非病肥亦往往發此病是田以上五者之外余單稱之稻熱病病類既異則豫防之法亦因之而異云

苗稻熱病之狀苗枯槁現赤色大率苗長約五六寸及至七八寸始發此病然亦間